

## KIIT UN

Rev. G. Suanzalam, Coordinator (I)

<sup>34</sup>Thuchiam thak kon pia ahi, kiit un; ken nou kon it bangin, nou leng kiit un. <sup>35</sup>Na kiit uleh, mi tengtengin ka nungjuite nahi uh chih huai ah a thei ding uh, a chi a” Johan 13:34 & 35

Simtute navek un itna chibai.

Jesu Krist in thuchiam thak honpiak ‘kiit un’ chih Bible mun tamtak ah imu hi. Thukhun Thak a ‘Itna’ Greek laimal chi thum in khentheih hi; **Eros:** nu leh pa kal a ki itna, **Philia:** Pianpih u leh nau ki itna leh **Agape:** Midangte khaulna ziak a mahni kimangngilh zen a itna ahi. Hiai a Jesu’n itna a gen tuh Agape Itna ahi, huai tuh I melmate nangawn hoihna ding a mahni kimangngilh zen a itna ahi.

Jesu’n a sih ding kuan in a nungjuite kiang ah kei apan itna sin un, kiit un, na kiit uleh midangte’n ka nungzuite na hi uh chih a honthei ding chi hi. Hiai itna tuh thu namai ahi kei a, mitengteng neihtheih leng ahi kei, himahleh Jesu Krist nei a, amah itte’ kia neih thil ahi.

Jesu’n nang leh kei hon itna thupi mahmah hi.

01. Jesu nang leh kei a ding in hong kipumpiak hi. Van mun thupi, ahihna, ahun manpha, a thilhihtheihna khe-lah lou in a hinna nangawn honpia hi. Huaiziakin eite’n leng amah I it leh ama mikhialte a dia kipumpiakna enton a, midangte I it ding ahi.

02. Jesu eite sik leh tangin hongsi hi. Bangzahta a Pathian itna thupi hiam a hinna nangawn itlou a, mikhialte’ sih sik a hongsih. A itna ziak lel ahi. Pathian honitna tehpih ding a om kei, himahleh eite’n leng Amah I it chih a lat theihna ding leh ahihna I koppih sam theihna ding in midangte it ni.

03. Aman eite a dingin hongensak hi. Itna ziak in Jesu Krist in honzongkhia, a kros ah I sik leh tang in hongsi hi. Hanah vuin aom a, ni thummi in a thounawn hi. Tuin nang leh kei a dia Pathian kianga gensaktu

Tawpna lasak, kluang in hon phawng a “Painn a ihmu” chi in siam i kitan zawmah lai uhi. Pukpit nasemte lah kha lam a tui hilou, theihna vantang (knowledge) a gen maimai, mipi nek a gilvahna tham lah thuk khelou. Mipi gilkiak a hong kuante gilkiak mah a kik zel. Ankhing ki thuk khum, belamten ngeihlou, sungpuak a bah gawp uh. I kikhop dan uah i biak Pathian sangin setan a kipak zaw diam maw?

Van mipite kipahna pen tuh mikhial kisik ahi. Setan in a huatpen leng ahi. Pathian thiltup pen tuh mangthangte hotdam ahi a, setan thiltup ahileh hotdamsate khempuk leh suksiak ahi. Aw Jerusalem Aktal pen tulaiin i gam ah, i khotang ah, setan sawltak lah kitam deuhdeuh. K nawn leh chih huai na maizen e!!

Tulaiin Toupa saptuamte i ki ethak kul na maizen e maw? Setan hazat tham a Pathian gam nasemtu lah tawm deuhdeuh, gingtute lak ah lah setan in pan mun kluang nasa deuhdeuh. Ngia belamvun silh, setan sawltak lah kitam deuhdeuh. KHelhna tawpsan tuanlou a piangthak duplicate, kihih khami, sahhomi lah kitam deuhdeuh mai. Sum muh nang ahil phot leh zuaw gen lah khawak salou. Pathian gam

sangin setan gam lian deuhdeuh hizaw lou hia? Kum 30 vel paita a sap gam a om chia i gengen uh setan saptuam i chih ua lamdang i sak mahmah uh, tu in i kongkhak bul a om hitalou maw!!! Hiai bang lungphawn huai takte i gam hong om maimahta. Pathian tate’n pataudak i khet uh hun hitaveh.

Aw Jerusalem Aktal in hon khuankhum in hon halhsak leh chi hut huai natel e. I huan a Kel lut a, a sung a haichite a ut-ut a ne a, huan kemtu te’n lah limsaklou law deuh hitalou hia? Setan lalna gamte phelsia a Kris lalna gam ding khe thak nawn ding a Toupa saptuamte i ihmutna apan i thohkhiak hun hitalou hia? Melma pa setan lah lusu a khawl maimai lou ahilhchiangin nang leh kei i daihdide a leh khovak i ngak leh Pathian kia hilou in phak 4-te leng hong thoukik le uh hon mohsa law ding uh eive.

Hithei hileh Jerusalem Aktal kiangah kichi in lai ka thon di “Jerusalem Buh-al khuang aw, huiva bangin hong leng inla, ka gam uah hong khuang nawn in, ka gam lei un hon kiphamoh hi” chi in. Simtute tengteng Kha leh Sa ah Pathian in vualzawlna honpeta hen.

## Palm Sunday Tangthu

Pastor (Int) TK Shyam Valte

“Tum nahte tawi in, amah dawn diingin a hong kuan khia ua, Hosanna, Toupa min a hongpai, Israelte’ Kumpipa a hampha hi” chi in a kikou uhi. Johan 12:13

**Thupatna:** Sihna apan vualzou a thoukhia, i Hondampa Jesu Khrist min in simtute tengteng chibai konbuk hi. Ei-Khristiante a diing a ni poi moh mahmah, vualzou a ikipah ni uh, Ni thupi pen muthei nawn diing a damna honpia I biak Pasion thupi na tengteng i pia masa hi. Hiai Palm Sunday toh kisai Laisiangthou in a gen chih i thei ua, himahleh khenkhat in, Jesu Khrist i ginna toh kisai a, Poi mohlua ahilham muban lou i hi diing uam honchi sak hi. Huaiziak in palm sunday toh kisai neukha gen khom leng ka chi hi.

**I. Palm Sunday bang chihna ahi?** kiphaph dan i siam mahmah diing uh kisam hi.

Palm i chih chiang “Tum kung or Tum nah chihna ahil ban ah, Sunday i chih chiang in “Nipini” chihna ahi hi. Huaiziak in Palm Sunday i chihchiang in, “Tumnah Nipini” chihna ahi mai hi. Palm Sunday kichi adiak in ei Reformedte a diing a “Reformation day” i zat bang ua, i saptuam adia ni poimoh mahmah khat ahiman in hiai ni i zatdan leh

**II. Palm Sunday tangthu tomkim:**

Palm Sunday kichi kum zabi lina vel in Jerusalem Saptuam te’n ana pankhia uhi. Tua hunlai in Sahkho makaite leh mipite kithuah in, Jerusalem khopi sung a Olive leh tum nahte tawi a kizui in, thumkawm leh phat na lasa kawm in, mun

in Pathian taklam ah tu hi. Ikhelmate hontat khitung in leng a hontaisan kei a, ei a dia gensaktu in panglai hi. Pathian' taklam a bangziak a tu ahia? I thumnate Pathian in a hondawna ding in gensaktu in pang hi. Huan setan in I niteng khelhna ziak a siamlouhtansak a sawm gige a, mohpaih ihitheihna ding in honbawlsiat sawm gige hi. Jesu Krist eite hontanpa'n Pathian' kiangah hongensak gige hi.

Unaute, i Pathian leh Jesu Krist honitna a thupi hi. Hiai itna in thil ahihthei a, Thupiak 10te kankhawmtu ahi a, poimoh mahmah hi. Huaiziakin Jesu'n kiit un, ken nou ka honit bang in chi hi. Hiai itna ziak a midange'n Jesu nunguite ihihna honthei thei ding ahihleleh gingtute adia Itna aloutheilou ahi. Huaiziakin gingtu khat na hihna ah, na pianpih sanggamte, u leh naute, veng leh pamte, pianpih mihingte na i hia? Krist in eite honit bangin kiit tuahchiat ni. Itna subuai thei thil tampi a ommaithe, Krist in a hinna taan hial a honit bang in kiittuah chiat ni

## ETTOHTAK

Pa T. Ginzalian & family, Mata Presbyterian Church ten, Pathian vualzawlma antate uh apetu Pathian thupina ding a zang ding leh Pathian hatna muangin tukum 2015 January kha apan missionary vakna (supportna) khateng a Rs. 2000/- (Two thousand) Head Office ah pia uhi. Amaute tungtawn in Toupa min phat in om hen. Krist leh a gam adia a panna uh Pathian in athawn in koih kei henla, alehsawm alehza in thuk tahehna, a tupbang ua pezom thei zel ding leh atamsem pethei dingin Pathianin vualzawl zel hen aw. Amaute bang a inkuan leh mimal a Missions nasepna apang ding Toupan hon behlap zel hen. Thupina tengteng Pathian kia in tang hen.

Sd/-

Rev. M. Khamlianmang  
Coordinator (Missions)

## THU TUAMTUAM

**SUNDAY SCHOOL TEACHERS TRAINING:** I saptuam sung a Naupang lam Sunday School heutute training March 18-20, 2015 sung zat hi a, lohchingtak a zat zoh in om hi. Pathian kiang ah kipahtu genni.

**KRISTIAN LABU (TONIC SOLFA):** Music Upliftment Committee leh Rev. Khen P. Tombing panlakna in Kristian Labu, Tonic Solfa toh kithuah bawl didan malakna kipanta. March 31, 2015 in Consultative Meeting neih hi a, lohchingtak a zoh ahi. Hiai labu ah la thu-te a kikkeh lou pen zat hi ding hi. Thumna in phawk tawntungni.

**PASTOR LAKTHAKTEN A MUN DING UH ZUANTA:** Pastor nasem ding a lakthak, Pastor (Int) Thiankhanmuan, Pastor (Int) TK Shyam Valte, leh Pastor (Int) Kamdoumang te'n amau bial ding chiat zuan vekta uhi. Pastor (Int) Thinkhanmuan Engedi saptuamte enkol ding a, Pastor (Int) TK Shyam, S. Thadouvang saptuamte enkol dia mohpuakna piak ahihbanah Pastor (Int) Kamdoumang in NE Khawdungsei saptuamte enkol ding hi. I thumna uah thei zui chiatni.

**MUSIC ZILNA BU:** Music Upliftment Committee in i saptuam a ding Music Sinna laibu bawl lel-lel uhi. Hiai laibu sung ah Tonic Solfa, Staff Notation, Guitter leh Keyboard zilna bulpite tuangvek ding hi. Tukum sung ngei a zoh lamet ahi. Thumpih zui ni.

**TONIC SOLFA CERTIFICATE PIAKKHIKNA:** Kumlui 2014 kumtawp lam a ICI saptuamte toh pangkhawm a Tonic Solfa Exam neihna a Junoir leh Elementary a pass-te certificate piakkhiakna Thanlon Presbytery Moderator in PCI Head Office ah hun zang hi. Hiai hun ah ei saptuam apan Junoir Course pass mi 6 leh Elementary a pass mi 1-te kiang ah certificate piakkhiak in om hi.

siangthoute vehna nei in, nitak biakna toh zawm khawm zel uhi.

Kum zabi ngana vel in Palm suanday zatna leh lopdan uangsemsem in, Jerusalem kia hita lou in Constantinople khawpi tan pha ah zat in omta hi. Kum zabi gukna leh sagihna hun in Palm Sunday zatdan ah, kikhekna thupitak hongtung in, tumnah tawi kawm a, zinglam a kholai a Jesu Khris pahtawina in kizangta hi.

### III. Palm Sunday bang genna a hia?

Palm Sunday i chih Jesu Khris Jerusalem a Paikan Ankuang lopna a tel diing a, Jerusalem khopi thupitak a, alut ni ahi hi. Hiai ni Laisiangthou (Matthai, Marka, Luke leh John) te ah kigen kha vek diing hi. Hiai ni in nidang a om ngeilou leh om nonlou diing Jesu Khris kua mah tuan ngei nailouhna Sabiltung nou tung a tuang in, "mipi a malam a paite leh a juite'n, David Tapa kiang ah Hosanna: Toupa min a hongpai tuh a hampha hi: tungnungpen ah Hosanna: chi in, a kikou uhi" (Matthai 21:9; Mark 11:1-11;

Luke 19:28-80; John 12:12-19). Huan hiai ni tuh, Messia hongpai diing chi a, sawtpi a ngak uh, Messia kumpipa zahtak tak a, Leitung a pahtawi na a piak ni uh leng ahi hi. Hiai ni tuh Jawlnei Zechariah in "Aw Zion tanu, nakpi mahmahin kipak in; Aw Jerusalem tanu, kikou in; ngaiin, na kumpipa na kiangah a hong hi; amah a diktata, hotdamna a nei; kiniamkhiakin, sabentung tung, sabentungte tuan ngei nailouh tung mahmaha tuangin" (Zechariah 9:9). Chi a agenkolh a tangtun ni ahi nawn hi. Tua hunlai a mite tawndan in, mithupite a vaidawn chiang un, sabiltung a tuangsak in, mipi te'n a nung ah zui zel uhi. (Tulai dan hi leh, MLA/MP te i vaidawn chia, khaw nawl apan khosung tan i zawn lut sek dan uh hi diing in ka ngaisun hi.) Hiai sabiltung a tuang in hon etsak tuh "Lemna chiamtehna" ahih ban ah, lemna thute tun uhi. Huaiziakin in Unaute, Tukum Palm Sunday i zat toh kiton in, Lemna tunte hi diing in; kua peuh in saptuam sung, gamsung leh mimal kal ah, Palm Sunday gahsuh sak chiat diing in, i kichial ahi.

Jerusalem a Aktal bang a Pathian' vanzat hithe chiat le chih huai namaizen e maw!! Huai nitak a Jerusalem Aktal khuang, khuang lohching namaizen e maw!! A gah thupi hinatel e!! Tulai a Pathian' nasemtu kichi atam zawte Jerusalem a Akpa bang a Pathian' vanzat a leng chingpha nawnlou a bangta.

Jerusalem a Peter leh a lawmte'n mihing lakh khat valte kiangah tanchinhoih, Jesu Kris sihna leh thohnawna thu gen a khopi sung a dim luih-luih lain i gama Pathian' nasem a sang a simte Pathian' thaunilh saptuam upa leh Pastor Khamangthang man ding a Pathian sapna tang Missionary tampite, i thugen in India gam gen louh, i khotang leh saptuam leng dim zoulou maimah hitalou hia? Aziak bang ahi ding? Gingtute'n thupiak i muh dan uh lah khovel tengteng lah ahi ngal a. Tanchinhoih thilhihtheihna (The power of God) da gawpta ahizaw hia le?

I khawmpi chiangin lah nasepna leh sum dinmun i ngaikhia ua, ma i sawn mahmah uhi. Ahihhangin kha mangthang report i muh chiangin lah khovak di kuan aksi mah a bang zel a. Sum leh pai pen a

kiphamohlou hilouin a lianpen bel hilou ahi. Bangchiklai peuhin khamangthang mat leh a bathe pikik i nasep ding ahi. Sum hauh leh hauh louh hi saptuam hat leh hing tehna dia i zat leh bel i hikhial ding. Saptuam hing ah bel khelhna kipuang leh testimony gen ngaihkhial di atam sek hi.

Mi'n Pathian itna a theih chiang peuh leh hon ittu a ding a kal suankhiak na ding a zong naknak hi. Nasemtute'n gilou kisik a simna thu puangkhetu ding zon beh lehahng finance campaign bawl i himai. Zakai tanchin a i theih mah bangin dangka sum hauh pen Pathian in a kipahtipen hilehbel Laodika saptuam pen Pathian in "Ka kam akipan ka hon sekhe ding" chilou hial ding ahi. A lauhuaipen tuh Pathian mitmuh a migenthei, hehpih huai, pa sia, mitdel, vuaktang hih ding a lauhuaipen ahi. Pathian be dia i kikhop dante khawng velchian thak le: Kithoihna hing, siangthou leh Pathian' kipahtipen tak ahina hiam? Milian, milalte houpih dia i hoh chiangin kuamah lusu hial zaw om kei vehang aw. Pathian hing hilhial be dia i kuan chiangin i giak lut ua, lusukna in dingin i zang uhi.

## JERUSALEM AK KHUANG

(Luk 22:60-63; Matt. 26:75)

-Elder H. Vungzamang

Palm Sunday, Good Friday leh Easter Sunday thu ngaihtuah a Bible ka sim lai in hiai bang thu in kei hon khoih dan ahi.

I pupate' n i gam ah Toupa Jesu hun lai pekin Ak khuang pen hun theihna (Sanapi) in ana zang sek uhi. I pupate mi inn a apawt chiangun "Paita ni ei, ak khuangta" ana chi ua; huan, khovak di kuan a Ak akhuan chiangun "Khua vak dekta, Ak khuang ei" ana chi zel uhi. Tuni dongin tua Ak khuang i chi lai uhi.

Ahihhangin i Toupa Jesu a mat zang ua Jerusalem a Aktal khuang bel a nasep dan a lamdang petmah hi. Zan sawt leh sawt louh in thu a paw kei a, Peter a dingin khelhna kiphawka leh lungtang sunggil tapkhapna leh mittui, naptui toh khial kiphawk a kah huphupna kham an aching hi. Toupa phat in om hen.

Huai nitak a Toupa kitheihmohbawltu Peter in zuau genhat, mi dawilok leh mikhial ahidhan Khasiangthou theihakin aom a, khasetakin leh kisik tun-tunin Toupa lam a kknawn in a damsungin Toupa Kris kitheih mohbawltu leh hih mual phoutu in apang ngei nawnta kei hi. Tua kia

hilouin a damsung teng kawlkil dong a Kris thu theihpitu a pangin amah tungtawnin mi tampite' n hotdamna thupha atang uhi. Toupa phatin om hen!!

Tanchinhoih gen ziakin vuak leh sat, suangkul a tamvei tak khumin om mahleh a muh leh a theithe genlouin aom thei kei ua, Jerusalem khopi sung Kris thu in a dim gawpta hi. Hallelujah!!

Huai nitak a Jerusalem Akpa tulai a om hileh Akpa dang teng sangin aman a tam zaw ding, akhuan Chiang a mite' n khelhna kiphawk ahih chiangun. Pathian vanzat thupitak ahi. Ei gingtute leng

Hiai a tunga hihchetna I piak a kipan in, Jesu Khrist thohnawna tuh a taktak mah ahi chih I theithe nawn uhi. Huan, Jesu Khrist in thuchiam kipahhuitak hon nutsiat ahidhan hiai a khutnulna puan gentehna I bawl un hon theisak a, hong paikik nawn ding ahi chih I mu uhi. Lawmte, tuni' n nang leh kei Gospel za a, ginna a thohnawna pomkip mite I hita uhi. Jesu Khrist a hinkhua mit in eite' n I mukei uhi. Huan, a sih leng I mu sam kei ua, Peter leh Johan te bangin haan vuak leng I va mu sam kei uh. Himahleh, Jesu Khrist mahmah in tua puan malngat khepsa a hon nutsiat tuh gen leh mite laka puanzak ahi lai ding hi. Tuni in hiai sim peuhmah te' iki hanthawn thakthak uhi, Jesu Khrist tu in mit in I mukei uhi, himahleh hong paikik ding ahi chih phawkthak ni (Kilakna 22:20).

I lametna uh thawnlou ahidhan a thak in phawk in I makaipa hon nutsiat thute in ki khamuan zelzel ding uh. Eite la dinga hong paikiknawn ding, leh van a amah toh omkhawm ding ihidhan uh hon hih hi (Johan 14:1-3).

### #3: Johan ngei in leng Khrist thohnawna GINGTA ahi chi hi

Johan in mit mahmah a hiaibang thilte a muh in Khrist thounawn ahi chih a gingta hi (v. 8). Johan 16 na ah Jesu Khrist mahmah in leng si a thounawn ding ahidhan a gen hi. Mi khenkhat in 'Jesu Khrist luang tuh nungjuite' n la mang uh ahi chi uhi'; khenkhat in 'Jesu Khrist si lou ahi, Kraws ah khophawklou a om zual pen hankhuk a hon koih Chiang un amah leh amah ana pawtkhia, nungjuite' n mu loupi a thounawn ahi a chih maimai uh ahi chi uhi, nungjuite tupmawng a jauu gen ahi uh' chi uhi. Himahleh ngaihtuah thei mite lungsim ah bel dawnta khat kia a om hi - 'Jesu thounawn ahi'. Johan mahmah in leng Jesu Khrist thounawn ahi chih theihna kichiantak in gingta hi.

Johan in ginglelhna ding omlou in Khrist thohnawna mit a mutu ahi chih theih a poimoh. Johan 20:31 in a tanchinhoih a gelhziak diktak hon puangzak hi. 'Himahleh hiaite Jesu, Kris, Pathian Tapa ahi chih na gintakna ding uleh, na gintak ua a mina hinna na neihna ding ua gelh ahi' chi hi.

### IV. Tu hun a Palm Sunday kizat dan:

Tuhun a Palm Sunday i zat dan leh kumzabi bangzah hiam paisa a kizat dan kibang mahmah lai hi. Tumnah tawi a zingsang phalvak a thou in pahtawina piak kipan hi. Jesu Khrist phawk thakna leh phatna late sa in, pahtawi na piak na in kizang lai hi. Huaiziak in, tuni in Palm Sunday i zattoh kiton in, simtute tengteng hiaite Ilungtang tawng un ngaihtuah thak leng kachi hi.

1) Sabiltung a kihinna apan, phelkhia a, vualzou tak a, Jesu Khrist sabiltung nou tung a, tuang a, Jerusalem a lut bang a. Satan sal a I tan na apan; kisut khia a, Pasian deihna bang a, kizang thei diing a, kisuk siangthou chiat diing.

2) Kingainiam na toh, Pasian thuzuih a, Jesu Khrist I makai tu ua zat chiat diing. Tua in Khrist vang a pahtawi na hongtang sak diing hi.

3) Khrist kumpipa leh Hondampa chi a; Lungtang taktak a saan chiat diing; Tua hi leh I lak uah lemna leh muanna taktak om diing hi.

4) Sabiltung kua mah tuan ngei nailouh na in; Jesu Khrist thu a man bang a; Jesu Khrist tungtawn a zohlouh diing omlou ahi hih phawk chiat diing.

5) Jawlnei Zechariah in kum 500 ma a, ana genkhoh a tangtun bang a, Laisiangthou a kigelh peuh mah tangtung teitei diing ahi chih phokchiat diing.

**Thukhitna:** Unaute, Palm Sunday i zat tungtawn in, Satan thang a awk te, suahtak na hontun henla; Khrist a misiangthoute la diing a hongpai Chiang a, maituah thei diing a, kiman siang diing in, I kichial thak ahi. Toupa' n simtute tengteng, Palm Sunday lohching tak a, zangthei diing in, honvual zawl chiat hen. Amen!!!

Date:  
23022015  
shyamvalte@gmail.com

adinga chiamtehna zankhatthu in Aron Chiang ana pakkhemok hi. Pathian' thilhihtheihna ziak liuliau ahi. Hiai Aron Chiangsel hi Pathian in ataktakin hon musak hi. 2009 kumin ka Gari uah mikhat akia a angaltak guh agawitan hihel hi. Doctor inn ah ka enkou ua nibangzah hiam painung in Doctor pa' n lungkham huaipi thu khat hon gen mok hi. Nadamlou uh akheguh tanna asa Gari peiin gawizan gawp a muatman ahimanin tankhiakngai maithei ahi chih honhilih hi. Kalung uh akham mahmaha amahlah kahilh ngamkei ua lungkham mahlegh Pathian in thilbangkim hihthei ahichih kalungsim ah ahonglut geih hi. Azingin damlouna kianga thil omdan hihlou in tuin nadamnading ngenin Peniel Hall ah kahohdia Pathian in hondamsak dia nakhe zangthei nonding nahi aw chiin kakuan hi. Lampi a kapai kawmin bangchitukin thummahlegh asa muatkin ahilhleh hoizhou nonkente chiin lungleltakin kapai nuangnuang hi. Huailaitakin Pathian dawnta ahongtunga, Aron Chiangsel hon musak hi. Peniel Hall katunga thumna kapan hi. Adamna dinga kangetdekchiangun ngentheilou in Toupa' n damsakta kipathu genin

chih kalungsim ah ahongsuak zel hi. Kipathu gen in kapainon a tuin akhe baihetlou in angeina mahbangin Toupa' n azangsak nonta Pathian min phatin omhen aw.

3. Thupiak 10 te kigelhna Suangpek nih: Thukhum bawm sungah Mosi in Sinai tang a Dan 10 alakna suangpek nihte koih in a om hi. Thukhun bawm kembite inkuan hih sawmchiat ni *ISamuel bung 5* sung i etleh Philistia te' n Pathian bawm alakna thu imuthei hi. Pathian pen hattungnung kimpil neilou, asiangthou Pathian ahimanin Pathian dangtoh tengkhom utlou ahi. Huaiziakin Philistia te' n Pathian bawm pen galmat banga ngai in amau' milim pathian koihna buksungah Dragon pathian toh akoihkhom uhi. Philistia te pathian in athuakkei petmah hi. Zingsanga ava et ualeh Pathian bawm mai ah Dragon milim pathian khupbohna in ana puk hi. Azingnawn a ava et nawn ua leh akhut kitansa alukitansa in kongpi bul ah ana omnawn hi. Huailouin agam pukpi un zangtan natna avei ua, Toupa' n anakgawt mahmah ziakin akahna husaun

# THUKHUN BAWM

Nu Sialvung, Rayburn Presbyterian Church

2Samuel 6:11 “*Toupa bawm Gitmi Obed Edom inn ah khathum a om a, huchi in Obed Edom leh a inkuante Toupa’n avualjawl hi*”.

Hun bangtanhiam paita apanin kalungsim ah Thukhun bawm thu honglutin ngaihsut nuam kasa mahmah hi. Ajiaktuh, Thukhun bawm Israel te’n apaina lamlam ua apuak lehleh uh ahihmanin athutheih nuam kasa hi. Bawm ichihpen asunga banghiamkhat om ahinak hi. Bawm khat peuhpeuh ikan chiangan abawm deih kihilouin asunga om ikoihpen deih ihijaw hi. Hiai thukhun bawm kangaihtuah lai in Israel te’n hichituka angaihsang ua aomna lamlam ua apuak uh asunga bangom hidinghiam chih kangaihsun hi.

A Bawm himhim leng amaimai a bawl hilouin mantamtak dangkaeng a luan ahi. Huan asunga thil 3 omte *Hebrute 9:4* ah akigelh hi.

1. Mana koihna Dangkaeng Bel: Hiai bel sunga kikoih Mana ahihleh *Exodus bung 16* na ah imutheih. Huai Mana tuh Bible suut mite gendanin agim anamtuia Buhmansih ihuanchianga agim hongnamkhia mui viauviau bang ahi achi uhi. Ahihhangin Mana ichih pen nikhata ding nikhata piak ahihmanin azingchiang ading Pathian in penonding ahihmanin

duh-am a anakholte a agimsiatdan tuh misi uih gim bangmai a namsia ahi achi uhi. Hiai Mana hi Israel te’n Aigupta apawtsan nungua gilkiial dangtak ahontuah uapan Pathian in apiak ahi. Tulai hunin leng piangthak hita inekzonna luite topsana lamthak zuiin haksatna ituahchianga Pathian a ikingak topding ahi.

2. Aron chiangsel: Aron chiangsel tungtang *Numbers bung 17* na ah kigelh. Aron chiangsel chihpen thillam dangtak ahi. Aziaktuh Pathian in amiteel Levi inkuante

Khrist thohnawna tuh thilhihtheihna thupitak toh omkhawm ahi chih I thei uhi. Amah muangamna in a thilhihtheihna eite ah hon chiam ni. Johan 14:6 a kigen bangin amah loulal Pa kiang tun na ding lampi dang omlou himhim ahi chi hi. Huan, Khrist a thounawn banga eite leng sihna a kipan ni khat ni chianga thounawn ding ihi uhi (*2 Korinth 4:14*).

## Thukhitna

Thohnawna a taktak mah ahi chih I muta uhi. Tua thohnawna in lungmuanna, thuchiam leh thil hihtheihna honpia hi. Achihleh, hiai thohnawna in nang mimal hinkhua ah bang hontun hiam chih kingaihtuah thak di’n iki ngen. Khrist thohnawna loulal khovel khangthu a genkhak a omkei. Tua haan vuak I muh un kei mimal hinkhua ah gintakna kichiantak hon pia hi. Noute leng ka hon kun hi,

‘*Khrist thohnawna na lungsim taktak ah na gingta in na pom hiam?*’ ahikheileh, ‘*a thohnawna thilhihtheihna thupitak na hinkhua ah na chianta hiam?*’ Khrist thohnawna in a mu a gingta khempeuh hinkhua ah kikhekna pia hi. Hiai thilhihtheihna tuh Paul in Phillipi 3:10 ah: “*Amah leh a thohnawna thilhihtheihna ka theiha, a thuaknate tanpiha, a sihnaa Amah batna ka neih theihna dingin*” chi hi. Hiai thil hihtheihna in nang ah na a sem hiam?

Toupa’n tua pomkip thei dingin na lungtang uah kimanna honpia henla, Khrist sihna leh thohnawna tungtawn in I niteng hinkhua uah LAMETNA hon tun hen. Huan, khat leh khat a thakin kihanthawn tuah in, amah hong kik nawnpah ding ahi chi’n I lametna uh thaksak in thutak ah dingkip chiat ni.

vanpi athawn achi hial hi. Eigingtute’n Pathian takkia iabiak a amah nna kia isepding ahi. Tulai gingtuten Philistiate’ Pathian leh Isreal te Pathian nna isepkop ziakin i inn sungin athuakloh a, igamsungin athuak lohhi. Nalouding ina ua, sihunlou in isi uhi. Philistia te’n Pathian’ bawm thuakzoulou uh ahihmanin Bongpi noungei lai nih posak in Pathian’ bawm Israel gam ah apaisak non uhi. Huchiin David in Israel mipite toh Ahinadap inn a kipan avalakhia uhi. Lampi a bawm hoihoi ahihmanin Uja in avalen mok hi. Pathian lungkimlou ahihmanin Uja amun ah asipah hi. David in Pathian’ bawm ala ngamnontakei hi. Kangaihtuah dan in David in

keileng khelhna bei lah hilou ing a kasikhading chi ahimaithei, Git mi Obed Edom inn ah akoih hi. Kangaihsutdan in Git mi Obed Edomte inkuan mijawng daipam, sile uh leng khoksakkham lough dan a angaihte inkuan hiding un ka um hi. Himahleh hiai Pathian bawm kemte inkuan in Pathian dangtoh koplou in Pathian tak kia abiakman un khat 3 achin main khompite theihphakin hong lamzangin adaupai ua, asepn lampuuh uah vualjawlin a om ua, achi alu uh adam hi.

Simtute khempeuh Pathian’ thukhun bawm kembitte inkuan hichiatding in Topa’n honvualjawl chiat hen aw.

tuabanga hih ahi chih thei chiat ni. Johan 14:27 a khamuanna na kahon pe ding chia a gen khamuanna tuh hiai ah leng mutheih hi.

## #2: Puan malngat kikhepsa a omin thohnawna a chiamteh

Hiai ah Johan thugelh in eite lungsim hon la diak kasa hi. Aman Jesu Khrist maitang tuamna puan malngat hoihtak a kikhepsa a om, leh kil khata kikoih mu ahindan gelh hi. Hiai a kipan a sinlai/ theihtuak, ngilhvual hilou om ahihlam mi tamtak in I theikei uhi. Jesu Khrist maitang tuamna puan dangte toh omkhawm lou in kikhepsa a om ahindan v. 7 ah kithei hi: “*..puan malngat hoih om leh, a lu-a kinulna puan om, puan malngat hoih laka om loua, jial saa mun tuama om a mu a*”.

Hiai ah Johan in Jesu Khrist nasepna mun Asia tumlam gam mite tawndan (Custom) a kipan in hiai puan malngat omdan hon gentel chit chiat ahi chih phawk leng I chi ahi. (*Laisiangthou gelhtute’n hiai mun kia hilou mun tamtak ahi cultural context a gelh uh chih phawk ni*). Amaute tawndan in: Kuahiam suak (*inn a nasep*) nei

peuhmah in ann a nek chiang un khut nulna puan (*napkin*) a nasemtute theih sakna (*signal*) danin zangsek uhi. A khut nulna puan uh a nutsiat ualeh ‘ann nejouta’ chihna ahi; huai tuh vahta, hongpaikik nawnlou ding kahi a chihna uh ahi. Himahleh, hoihtak a khep/ zial sa a nutsiat ahihleh bel pawtkhe zual, hong paikik nawn pah ding chihna ahi. Hiai ah Jesu Khrist in tuabang tawndan bangin a puan malngat khepsa in nusia hi. Huai tuh, a nungjuite kiang ah ‘*u’n sawtlou route apan ka mangding, himahleh hong paikik nawn pah ding kahi*’ a chihna ahi.

Peter leh Johan tua haan khuk a va tun un lauthawng uhi. Aziak, gutate’n hong pai ua Jesu Khrist luang gu uh, ahikhei leh Juda makai te’n la mang sa uhi. Mary (*han vuak mu masa pen*) in leng tua puan malngat mu lou ahihman in huaikim a huan bawlte’n Jesu Khrist luang koilmang uh hi dingin a um hi. Himahleh, Johan ahihleh dena I gentak bangin suak (*inn nasemtu*) nei a khangkhia (Marka 1:20) ahihman in hiai chindan v. 7a I muh uh genna theichian mahmah kawma honggelh ahi.

Johan 19:38-42 a kimu bangin Jesu Khrist a sih takin Juda makai te' n Pontius Pilate kiangah haan khuk humbit dingin a ngen uhi (Cf. Matthew 27:62-66). Himahleh, Jesu Khrist thohnawna thu mite laka hong kithang a zak un, Juda makai (*Sadukai – thohnawna umlou mite*) te' n juau thuthang ahi chiin a pom nuamkei ua, im mang a sawm uhi (Matthew 28:11-15). Himahleh haan khuk omdan in amaute thugen juau ahi chih hon musak veve hi. Aziak kigente uh:

a) Judate ngohna bangin nungzuite guk khiat hita leh, ngaihtuah mahdih, bangchi dana a luang tuamna puante hawkkhelou a pawkhe thei ding uh ahi dia? Amaute' n Jesu Khrist luang pawkhe dinga kisa ngam ding uh ahidiam – thahdinga mat a om zan a kipan in amaute leng tuabang a mat a omding lau in pindan tungnung ah ling kawmin a om uh chih imu uhi (Mark 14:50). Huaiziakin nungzuite guk ahikei hi.

b) Huai hunlai a kithang mahmah khat tuh haan luhna (Grave Robbery) ahi. Guta khenkhat te' n haan a luang omte taksa tunga thil manpha omding lamen in va gu nak uhi. Tua ahihman

in hiai banga gamtatna tuh Kumpi ngaih in khelhna thupitak ahi. Himahleh Jesu haan tuh suang lianpi a huk leh venbit a om ahi. Huan, misual sih a si hilai ahihman in gou toh phum hidia gintakhuai hetlou ahihman in a va pawkhe ngap ding un uphuai lou hi. Huan, tuabang a tupna nei hita le uh leng, haan vengtu sepaih om ahihman in mu mahmah ding hi.

c) Juda makaite' n ana la uh hita jenjen leh; nungzui te' n tua luang zanga buaina/ kiphinna hon neihiph ding a lau ding uhi. Ahihkeileh, Rome Kumpite gukkhiat hileh tuabang a nungzuite' n Jesu Khrist thounawn ahi chia hon tangkou tak un tua luang pholhsuah ngeingei ding uhi. Hileh, nungzuite thugen juau ahi chia vukkhah tuisuak banga bengdai maiding uh ahi.

*Tua ahihman in Jesu Khrist thohnawna tuh a taktak ahi a, gingtute a dingin a khamuanna ahi.* Jesu Khrist tuh haan apan lungmuangtaka thounawn ahi chih I muthei uhi. Aman a mai tuamna puan hoitakin khempa in nusua kichi lai hi. Thounawn ahi chih I gintak a I pom theihna dingun

## PCI DAY TUANG HONG TUNG NAWNTA

-Elder T. Thangzakhup

*“Toupa' n thil thupitak hon hihsak a i kipak mahmah hi”*

Tui mal neu-neu kigawm, lei mal neu-neu te' n tuipi lianpi bawl in gam kilawm bawl hi chi a la i sak mah bangin, ui pi gou zah leng phazoulou chih theih di khop a mi tawmchikte' n a bul ana pat uh PCI Day tuang hon gtungta, Toupa phat in om hen!!

Pathian in hon makaih in hon domsang tou zel a, tukum Chiang ah kum 31 tan bang tung tou thei a i om man in Pathian tung ah kipahtu ka gen a, Pathian min in PCI Day chibai ka hon buk hi. Hallelujah Toupa phatin om hen.

Doudalrate, kivaunate, simmoh leh enghouna tampite lak a kipan in, leh ui ek khu mah bangin gentheih, haksatna tamipite kal ah, akhen Chiang a lah zumhuai bang sim, a khen Chiang lah lunglelh huaipi bang zel kawmkawm in dt. 20/4/1984 (Good Friday Nitak) in (L) Elder T. Tualzachin' inn ah (L) Rev. Vung D. Tombing' makaihna in inkuan 17 – 2, milip 90 (apiang nailoute natawm simkhawm phialphial, lah simkhawm zenlou) in Presbyterian

Church in India patkhiak in aomta hi. Ahi a lah a thawmhau huai mahmah khat bel, hunte hong pai zel in mihingte lungsim leh ngaihtuahnate hong kikheng zel a, mi bangzah hiam in pawl (saptuam) dang hon belhikik san ua, tua ban ah i laisiangthou in a gen mahbangin mihing' a ding a khatvei sih seh ahih dungzuiin ei lak ah leng sihna in vai hon hawm zel ahihmanin saptuam a bul a nap ante (tulai pau hileh founder member)-te lak ah leng sihna hong tung zel in tu in hon beisan khinvek phialta ua, zawlnei ten kei keulu aomsun ka hi a chih mahbangun tu in mi khat kelou in a hon dampih lai geigei hi. Himahleh Pathian in a mite hon taisan ngei kei a, a saptuamte ahon behlap tou zel a, tu in

## THOHNAWNNA TOH KISAI CHETNA (JOHN 20:1-10)

*Pastor (Int.) H. Thiankhanmuan, Engedi Presbyterian Church*

### Thupatna

Mi si a mu ngeilou I om uhi? I khovel hunjatna ah sihna I kim-le-kiang, innsung-vengsung leh kilchih ah niteng in tung hi. Sihna tuah huna kipak kuamah om dingin ka umkei hi. Khasiatna, lungngaihna leh khakham vei in I om uhi. Tuabang dinmun in nungzuite tuh Jesu sih hunin a om uhi.

Jesu sihna a kipan thu kipahuai tuh, I lak uah kuamah sihna a kipan hong thounawn a omkei uh; himahleh Jesu Khrist tuh a gensa bangin ni 3 zohin a thounawn hi. Laisiangthou in tuabangin eite leng Jesu Khrist toh ni khat ni chianga thounawn ding ihi uh chih hon theisak hi. Hiai hih thu kipahuaipen leh I thugin uh ki bulphuhna ahi. Paul in I Korinth 15:16-21 ah, *“Jesu Khrist thounawnlou na hi jenjen leh I nasep tengteng uh a thawn ahi ding; huan I thu-up uh juau ahi ding”*, chi hial hi.

Jesu Khrist a khailup khit un, nungjuite lau leh ling in pindan sungnung ah kibu uhi. Amaute leng mat a om a, thah a omding a lauh ziaak uh ahi. Jesu Khrist in bangzahvei hiam a sih ding leh thohnawn ding thu genkhaw mahleh, a thugen hiai hunin a manghilh maimah uhi. Huan, a thohnawn nung in leng a chetna ding zong lai uhi.

Hiai hih eite dinmun leng ahi. Khrist thugente I niteng hinkhua ua zuihding hinapi in, I manghilh khasek uh. Huan, nungzuite mah bangin chetna, mit mahmah a I muh ma un gintak haks a I sa uh. Jesu Khrist nungzui a, ama sinsak ngiatngiat himahle uh Jesu Khrist thohnawna a umkei dek uhi.

I saptuam pen missionary saptuam hih ding chih ahih dungzui in dt. 30/9/1984 in Presbyterian Mission Board, tua PMF i chih dinkhiak in om nawn hi. Huchi' n tuailaite leng om maimai thei tuanlou ahihmanun dt. 25/10/84 in Presbyterian Youth Fellowship dinkhiak in om nawnta hi. PCF (Naupang lam) ahihleh a ni, akha leh akum-te ka theih chet nawn louh ziakin ka hon taklang thei kei a, ngaihsiam. File apan lai et ding om lou, lungsim computer a kithun, ana ki delete nailout teng ka hon taklat ahi.

A ni leh hun toh kisai: I saptuam uh PCI dinkhiak nni leh a kahiang tuamtuam (PWF, PMF, PYF, PCF) ki phuhkhiak nni te i theih chiat sa uh hinapi in Head Office lamte' n calendar ahon bawl Chiangun Sunday chih ahon zang nak sek ua, hiai hih chi nawn tuan sese kei leng, a ni diktak mah chi

siangthou leng, Jesu leng eite a dingin nihvei hong silou ahi. Sunday toh a kituah khak kum leng aom dia, akituah khak louh kum leng aom ding hi. A kituah khak louh kum in leng Sunday pen behlap tuantuan se dah mail eng. Bangteng i gen zongin local chih in ei mah lem tan bang chiatin zangin lawm leng a poi kei hial hi. Himahleh a nni tektek zang chiat thei leng bel a hoihp en ahi hi. Ei nni pen en i ngaihtupi louh a i ngaihsang kei leh kuamah pawl/saptuam dangin hon ngaihtupi sak a hon zahtak pih hetlou ding uh ahi chih leng theihciat din hoih ka sa hi.

PCI Day	20 <sup>th</sup> April 1984
PWF Day	16 <sup>th</sup> Sept 1984
PMF Day	30 <sup>th</sup> Sept. 1984
PYF Day	25 <sup>th</sup> Oct. 1984

Toupa' n hon vualzawl chiat hen. PCI Day zatnuam.

saptuam piching khat bang suak thei hial khop in hon vualzawl hi. Toupa phat in om hen.

### Saptuam' tup leh ngim:

Presbyterian Saptuam in a tup leh a ngim pentak tuh Missionary saptuam hih ding chih ahi a, Missionary saptuam hih ding tup pipen himahleh saptuam din tung lai in America (US) lam toh lah kizpna hoitak om nailou ahihmanin sumlam haksatna lian mahmah hi. Aziak bel saptuam in sum muhna ki neilou, sum neihsa chih lah om tuanlou ahihmanin beidot huai mahmah hi. Himahleh Pathian muanna diak liua-liua in saptuam dinkhiak kum mah, 1984 sung in Meitei Field Missionary dingin W. Chaoba, Wangoo kila hi. Missionary gentaklough saptuam in sum neihsa kineilou ahihmanin saptuam a semtu masate leh Pastorte bang a loh ding uh ahunhun a piak chih om lou, a ching a leng kipe zoulou, muh zahzah tam lou-loukipiak thohleh hi. Himahleh amaute chitak, kuhkal mahmah uh, a nektawm zon du utoh, Pathian gam nna a sep nop utoh buai petmah a buai uh, a khen chiang a nitha a kiloh uh, a khen chiang a

meihol bang hon hal thepthup uh. A hong huchiah hial chiang ua lah gensiat a om zel uh, lungdon huai chih bangtuh a nepte himai, hichi zahta a mite' n hon simmoh nak lai ua khoisat vungvung na dia hoih. Kuhkal leh chitaktak a ana pannate uleh a thumnate uh Toupa' n ana za ahihmanin tu in Toupa vualzawl na leh ompihna ziakin Missionary bang zah hiam gamsung, gampua, tualsung, tual pua ahi nei theita uh, Halleluujah Toupa phatin om hen.

Department tuamtuahte: Simmoh, nuizabuk, dustbin chih hial khop a nuaisiah ki himahleh Pathian in a mite hon taisan tuanlou ahihmanin saptuamte leng phatuam ngaitak leh kuhkal takin leh Pathian muang kawma pangtouw zel in a mi a tawm, atam chih omlou in aneu a lian phatuam ngaitak a pangkhawm tou zel in, sep theihna, pan theihna chiat a pang dingin dt. 16/9/1984 in Presbyterian Women Society (PWS) tua PWF i chih dinkhiak in om hi. PWS dinkhiak ahihkipanin amau leng pan nasatak a honla in semtute (Pastorte) khaloh ahunhun a kipe theilou ahihmanin antangpham khawng pia in semtute ana panpik sek uhi.

Tua ahihman in, Jesu Khrist nungzui/ gingu te' n I Ginna uh kingakna Jesu Khrist thohnawna ahi chih phawkthak in, hiai thudik I pom ding uh. Bangchibang a hiai thudik ahi chih kithei ding? Laisiangthou in hon hilh ahihman in huai muanngam ding himai ahi.

### #1: Mary, Peter and Johan in haan vuak a mu uh

Ni masa (*Nipini*) zing baihtak in banghiam thil ngeina hilou leh lamdangtak thiltung om ahi chih Matthai 28:1-4 ah kimu hi. Pathian Angel te' n hankhuk dal na suang lianpi khukkhia uh ahi ngei ding. Hiai hih mihing hih ahikei, suangpi lian mahmah ahihman in. Huan, huai suangpi nungjuite khukkhia leng ahi sam kei, amaute pindan tungnung a lau leh ling kawma mat leh thah a om ding lau a kibu ahi uh (Johan 20:19). Hiai a hansuang kikhukkhia in hon muhsak nop tuh, Jesu Khrist luang hankhuk sunga om nawnlou ahihdan ava chian nuam kuapeuh in baihlam tak a muhtheih ahihna dingin ahi.

Mary in tuabang a han vuak a om amuh takin kintakin nungzuite kiangah va hilh hi: '*Haan a kipan*

*Toupa a pai mangpihta uh, a koihna uh ka theikei uh'* (v.2). Tuaphet in Peter leh Jesu in a Itpa (Johan) tuh haan ah kintakin a vapai ua, Mary (numei) thugen gingga zoulou, leh, midang haan khuk gen hikhathai ahi chih lungsim nei kawm in. Himahleh, amun hongtun in, Jesu Khrist luang kisialna haan khuk mah ana hi a, haan tuh a vuak in ana om ngei hi. Amuh theih uh omsun tuh Jesu Khrist luang tuamma puan ahi. Nikodemus in damdawi zanga Jesu ana tuam ahi a, huai tuamma puan apan pawtkhiat thoh mah a bang hi. Hiai hih *etsakna nei*, bang hiam genna ahi diam?

Judate thukhenna dan hiai ah chiantakin Johan in taklanghi. Judate dan ah Numei in dinmun bangmah neilou ua, huaiziakin theihpihtu (witness) ahi theikei uhi. Hiamahleh, Magdelene khua a Mary tuh Tanchinohih teng in haan vuak mu masa ahihdan gen chiat uhi. Amah kia ahi bel chi tuanlou uhi, aziak aman 'ka theikei uh' chi ahihman in (v.2). Hiaitak a kipan in Pathian in khovel a pilte pilna bangmahlou ahihdan leh mimawlte amah theihpihtu hi dinga tel ahi chih kimu hi (1 Kor 1:27-29).

## JESU I ITSEMNA KOI AH

Rev. M. Khamlianang, Coordinator (Missions)

Krist nungzuihna ah khalam hinkhua a hat mahmah ikisak hun leh hatlou deuh ikisak hun om chiata, huchibang hunte ah Jesu Krist eite Hondampa ittaktak ihihleh, ihihlough kidong le' ng, itmah ing kichivek maithei. Hunteng in I kam in zaw Jesu ka-it kichi gige tangpi, ahihhang in sunggil tak ah bel it zou taktak lou, a ittaktakte om ding dan taka omlou kihinuam mahmah hi. Jesu Krist mit mahmah a mua, kam mahmah aleng kihou pih mite nangawn in zuausan uh ahih chiang in, ei ginna a Jesu ka it chite' n izuausan a, Krist sang a itzawk dang neih tuh thilbailam leh omnuam mahmah ahi.

Johan 21 : 15 ah "... Jesu, Simon Peter kiangah, Simon, Johan tapa, nang hiaite sangin kei non it jaw hia?" a chi. Jesu n hiaite sang in achih bangtesang in achihna ahi ding. Ngasa amatte sang in chihna maw, anekzonna sang in, akiang a om nungzuidang te sang in. A kawksak vek theih, himahleh hiai mun a Jesu theih nop tuh Peter in kon zuausan kei ding chia, zuausan, taisan, kitheihmoh bawla, amah kia leng hilou alawm Thoma leh dang bangzah hiamte thuzoh a Jesu ataisan a ahinkhua lui ava zuih nawn ziak ua hiai dotna nguntak a dong ahi pen.

Hiai dotna apan Jesu theihnop tuh Peter in thildangteng nekkonna, ngasate, akiang aom alawmte, amah hoisak leh utna lampi te tengteng sanga Jesu Krist ittaktak hina hiam chih theitel nuam in dotna thumvei tak dong tuantuan mah ana hi. Jesu Krsit neih leh it thildang teng sang amanpha leh hoih zaw ahih manin huai dia ngetna leh chialna ahi. Johan 13 ah Peter in Jesu kiang ah Toupa, Nang ziakin ka hinna kapia ding achia, Jesu, Keimah ziakin na hinna na pe dia hia, kon hilh ahi, nang thum vei non kitheihmohbawl main, aak(cock) a khuang kei ding achi. Peter mihangsan, kipumpiakmi ahia, Jesu

### THUMPIH DINGTE :

1. Pathian lem honsak pihna lamem in, March 13 – 15, 2015 suing Gingu Khamwpi (Believers Convention) Pothalipam field ah neihpih kisawm hi. Rev. H. Thangkholian leh Nu Remi Hauzel ten Pathian thutak ankuang luina nei ding uhi. Pathian vualzawl na toh khawmpi lohching taka zat ahih theih nang in thummi.
2. Kaligaon ah gingthak a tamtaak man in, seppih ding poimoh a, commitment nei hoitak semtu ding Toupa kiangah ngen ni.
3. Missionary te tate leh naupang tagah 10 Christ Jyoti Residential School a I chawmte uh, Khalam ah ahong khang jel ua, a siam sinna uah leng ahong lohchin jel nangun, thumpihni.
4. Toupa Lalgam adia seppih Evan. Bilbahadur Lama sinkha a suang om, Tezpur Mission Hospital ah ki-aat a, ahong dampah nangin hutma in phawk ni.
5. Mision field thak Hadipara, Golpara District, Assam pen nasataka douin kiom hi. Huai khua ateng nupa hon chialtute a khua uapan, khomi himhim toh kizopna khak ua, khawsuang mi hihna atanvou himhim piaklough dinga

koituam ahi uhi. A khosung Makai ten khomi te kiangah thusuah bawln amau himhim tawh kizawpna neilou dingin thupia uhi. Himahleh amau nupa chitak mahmah ua, theih tawp a Toupa adia panlaak sawm veve uhi. Tun a khua uah missionary quarter ding lampat kisawm hi. Amaute hangsan taka apan ngamma dingun thumpihni. Hiai gam ah gingu midang omlou, Kachari mite khua, inkuan 100 van omna ahi. "*Midiktatte tuh tum bangin apha zeizoi dinga...Toupa ina suate tuh I Pathian biakin huang sugn intual ah apha zeizoi ding hi, Upat nungin agah lailai ding uhi.*" (Sam 92: 13-14)

Krist a na it, uh,

HIM – Here am I Ministries apan. Guwahati. ASSAM.

"*Tullel in Here am I Ministries ah Missionary support mi thum kinei leh hi. Amaute Hauniang, Thangminlun leh Zamngaihshiam te ahi uh.*"

Sd/-  
Coordinator (Missions)

# MISSIONARY REPORT

Here am I Ministries(HIM) apan

Kris leh Agam adia seppih it, PCI(R)

Mangthangte it a tatna hong sem I Toupa Jesu Kris min in chiabai!

Pathian hehpihna leh noute thumpihna leh kipiakzohna ziakin, Pathian Lalgam nsepna paihoih zel hi. Tangval kum 18, lai siam thei leh fel mahmah, himahleh damthielou (kumzawn), a khen chianga kongkaw/khophawklou khawna om sek. Dakror tamtam in leng a natna ding atheihlouh uh. Anu-leh-pa'n hon chial man un, 14<sup>th</sup> February 2015 in kak-kaal thum khwn hun kazatpih nungun leh thuemna tungtawn in Pathian in damna pia hi. Hallelujah, anu'n a pailai apana melma in ana chiamteh khak ziak ana hi achi uh. I tate faldou khawng theihpih ana poimoh mahmah hi. Tangtawn Pathian bangkim hihthei adin thil hitheilou omlou hi. Mattheai 19:26. Pathian in thupina tang hen!

KIPATHU GENNA DINGTE:

1. Pathian in gingtu thak mi 6 ahon piakzi ziakin kipahtu genni.
2. Baptisma programme lohching takin February 1 leh 9, 2015 in kinei thei hi.
3. Demow field ah gingthak Nupa kopkhat Dan Siangthou in kitenna lohching takin February 2, 2015 in kineisak hi.
4. Kolbari field a ding Cycle 1 Pathian in hon piak man in.
5. Pathian in mi khat Dawi nasepna apan suahtakna apiak ziak in.

6. Kolbari a School ministry leng pathian hehpihna toh tukum thak ading Session pan nawn thei a honpi manin kipahtu genni.
7. February 1, 2015 in Koligaon field, Evan Mahananda Ngatey sepna ah, Biakinn honna Field Coordinator in lohching takin nei hi.
8. Missionary quarter Pothalipam field a bawl thak angaih man in, kibawl thak a, February 28, 2015 in zohsiang hita. Pathian kiangah kipahtu genni.

iang a na sihna a siding hon zui dending ka hi chipa ahi. A chih leh akichiam bang ngei in bangtan hiam ah Jesu azui, huchia mat a om dek in Peterin namsau a vom a doka, siampu lianpen sikha a sata, a bil taklam a sat khiak sak. Hiai sikha min tuh Malka ahi. (Johan 18:10). Jesu mat a om zoh in leng Peter leh nungzui dang khat in leng azui lai uh, Peter lawmpa pen siampu lianpen melthieh ahia, huchia siampu lianpen intual a a om laai un, kongkhak ngaknu nungakin Peter kiang ah, Nang leng hiai mi nungzuite laka pangsam na hi hia ahon chita. Peter a Toupa kiang a kon kitheih mohbawl kei ding chipa'n, Jesu nungzuite lak a tel khalou ka hi achi. Mei a va awi sam a, huai mun ah leng Jesu nungzui na hia chia dot in aom nawn, a thumveina ding in, a Toupa muh a hangsan tak bang a siampulian sikha bit a satkhiaksak pa sanggam in, huansaung ah leng ka mu ahi kei maw achih in Peter in akitheihmohbawl nawn a aak(cock) hong khangta(Johan 18 : 15-27). Hiai mun a mihing in Peter kiang a Jesu atheihleh theihlouh, ait leh itlouh adot lai in, ka thei kei (ka itkei achihna toh

kibang) achi. Mihing akhem zou a, ahinna ahumbit. Himahleh Toupan huai athei a, Peter in Kris a ittaktak kei chih a thei chian mahmah. Huai ziak in Kris ka thei kha kei achihna mun mei kiang mah ah, achih zah thumvei mah pasan leh huai bawl dik na ding leng hi in Johan 21 ah Jesun Peter lungtang tawng sukha ding dotna bawl hi. Peter in ahunluite ngaihtuah kik vengveng kawm in, a omna mun, a dinmun muchian mahmah Kris kiang ah iimzohding om kei chi in, alungtang tawng ah He, Toupa kon it thumvei mahmah achi a, Khovel thilte sang in Krist mah tel in, a zui nawnta. Khovel thil – neih leh lam, gou leh gam, niang leh tai a om utna, noptal utna, thuneih utna, hihna diktak lahkhiak louhnutlouhna, duh-amna, huaihamna, nekukna leh khovel thil Kris I itsemna ding a hon dal tute koih khia in Jesu Kris itsem ding in saptuamte Peter bang in Toupan hon sama, hiaite sang in kei non it zaw hia chi in Toupan hon dong tuantuan hi.

Ei gingtu Kristian te'n niteng a Toupa kon it hi, ilungtang tawng leh ataktak a chiha ihinpih ding poimoh hilou hia. Mite mai a hinna ding, hamphatna ding te ah

Kris taisan leh kithiehkohbawl nawn mahmah kei ni. Itaisanna mun mah ah Kris in hon kituah pih leh bang I gendia, maizum tak in Peter bang in Toupa nang kon na kitheih mohbawl a, hon ngaidam in chia zahlaktak a I om ding kiveng ni. I hoihlouhna, I diklouhna te im kei ni, puankhiak ahieh keileh ikipuan a kap zen a I om hun hongtung thouthou ding, huchibang hun atunna in Toupa taisan keini. Sianthouna – lungsim, hinkhua, omdan, gamtat ah lakkhia ding gingtute hihang.

Jesu itsem ihihna bang chi sukrat ding, amah thilteng ah amasa a koih ding. **Etsakna :**

**Khatna**-Niteng hun zat dan ah (Pathianni telin) – Mahni in poimohsak teng sep zoh chiang a thumna, kikhopna leh tate Pathian thu sinsakna te pen hun aomlai leh chia hunzang ding ihi diam. Ahieh kei leh kikhop, Pathian thu kisinsakna, saptuam programme amasa a koih (khotangvai/ Indongta vai etc anihna/thumna) ding. Saptuam program leh program dang aki suktuah khak chiang aleng saptuam/Krist a

amasa pen a koih a niteng hunzang ihihia, saptuam a pen hun omlai leh chi, koi pen ihia.

**Nihna ah** – Pathian hon vualzawlina Khaloh, nithaloh, sum leh pai i muh khiak khempuhte izeek dek chiang in bang ichi hawm/zeeka. Thildangte – angtang man ding, tate fee ding, mehman ding, fee tuamtuum, inluah man ding leh adangdang. A tawpna ah akidaihleh ginna thuchiam, sawm-a-khat chi a hawm sek ihihiam. Ahieh kei leh sawm-a-khat, thilpiak tuamtuum leh ginna thuchiamte, missionary nasepna dia zek masa phot, huchi a Pathian muang kawm akhosami ihi hia? I Kristian hinkhua niteng a kivelthak zelzel ding ahi.

Etsakna : Nikhat tuh adocortorpa kiang ah ki check-up ding in anupa un ahoh ua, doctor in leng hoihtak a et zoh in, a zisam in hichi in chih, Nang adin thu hoih hetlou gending kanei, na pasal natna a serious mahmaha, sithi dinmunahi. Himahleh thu kipahhuai tuh lametna aom lai, hoihtak a na kepa, anak ding alim thei bang pen pia a, damdoi hoihtak a na piak a, lungsim nuamtak a a na koih inbel

kha nih hiam, kha thum hiam in dam mai ding achi. Nupa te Car in hong tai ua, huchi in apasal in doctor in nakiang ah banga agen chia adot leh, azi in, nang siding hon chi ahi hon chita. Apasal sawtlou nung in asita. Azi kampau in amah hatlou sak deuhdeuh in sihna tang dong tuak pahhi.

Gingtu hihkhua ah mahni kietchet ding, midangte hon tehna sang a poimoh zaw ahieh man in. Midangte tehna bang a I om chiang in sihna lampi anai mahmah sek hi. II Kor. 13 : 5 'Ginna ah na omna uhiam chih noumau ngeingei ki enchan jel un'. Ka lungsim theitu tuh Pathian leh kei ka hia, Na lungsim theitu tuh Pathian leh nang na hi. Mite kivaiahawmkhumsak louh ding, mahni ki vel gige ding.

Damlou khenkhat damlouhna I tuah chiang in doctor inaiha, khenkhat damlouhna

ituahlouhna ding in doctor kiensak leng ki om ding. Khenkhat damtheihna hoieh zawk sem nading doctor naih leng ki om nawn. Gingtu hinkhua ka zatlai in bang chik hun in Toupa Hondamsaktu ka bela, ka naih a, bang hun in ka poimoh a, mahni kivel gige a Toupa toh tonkhawmkhawm ihieh lam manggilhouh ding poimoh mahmah hi. A man hon poimoh kei chileng I genkhial ding, aman hon poimoh sang mah in en amah ipoimoh zaw.

Krist toh kithuah tamsemna in Amah i itna honkhangsak ding, Amah itheihsemna in hon itsak semsem ding. Huaiziak in I hun leh ni zatdan ah, Pathian in honvualzawlina sum leh pai te I zeekdan ah Jesu I itsemna kilangsak chiatni. I omdan leh Krist Tanchin Hoieh kituahsakna tungtawn in Jesu Krist I itsemna hong kilang ding hi. Kon itsem dia Krsit aw, kon it sem dia'.



April  
2015

Presbyterian Church in India (Reformed)

*pci*  
**MESSENGER**



**Meitei Mission Fellowship**

If undelivered, please return to:

The Editor  
PCI Messenger  
P.O. Box-32, Presbyterian Church in India (Reformed)  
Head office : New Lanka (H) 795128  
Manipur, INDIA

**BOOK POST**

To:




## PRODUCTION TEAM

**Editor**

Rev. Khen P. Tombing  
C/No. 9862088190

**Jt. Editor**

Rev. H. Chin Thiansong  
C/No. 8731850322

**Contributing Editors**

Rev. G. Suanzalam  
Rev. Khamlianmang  
Eld. T. Khupzadou  
Eld. Langkhanpau Guite  
Eld. N. Thangzamawi

**Cir. manager**

Mr. C. Biaklun

## THU TUUNTE

Editorial	01
Palm Sunday	03
Thukhun Bawm	06
PCI Day	09
Jesu it semna koi ah	12
Mission Report	16
Thohnawna Chetna	18
Jerusalem Ak khuang	24
Thu tuamtuum	27

**Head Office**

Presbyterian Church  
in India (Reformed)  
Box -32, Hebron Veng,  
New Lamka 795006  
Manipur, INDIA

**Subscription Fee**

Rs. 10/- per copy or per month

**Website of the Church**

<http://www.pcireformed.com>

A sung a thu  
kisuahthe editorial board  
ngaihndan ahivek  
kei.

Printed, published and edited by Rev. Khen P. Tombing at Diamond Offset  
Press for the Presbyterian Church in India (Reformed)

